

BIZITZA DUINAK EZ DU PREZIORIK!

Frente al empobrecimiento,
energía pública
y reparto de la riqueza



MAIATZAK

26

MANIFESTAZIOAK

19:00

Gasteiz Andra Mari Zuria

Bilbo Arriaga

Donostia Boulevarra

Iruña Autobus geltoki zaharra

Maiatzaren 26an mobilizazioak Hego Euskal Herriko hiriburuetan soldatak, pentsioak eta gizarte prestazioak defendatzeko

Prezioen igoera handia jasaten ari gara. Iazko inflazioa (% 6,5) koiunturala zela esan ziguten. Ez zen egia. Eta orain, urte arteko KPIa % 9,8ra iritsi denean, Putinen eta Ukrainako gerraren errua dela esaten digute. Hori ere ez da egia. Prezioen gorakadaren %70 Ukrainako guda baino lehen gertatua zen. Bizitzen ari garen inflazioaren jatorria egiturazkoa da, sistema kapitalistaren berezko espekulazioagatik edo elektrizitatearen prezioak finkatzeko sistemagatik.

Milaka langilek, pentsiodunek edo prestazioak jasotzen dituzten pertsonak, bereziki emakumeek, gazteek eta pertsona migratuek pobrezia atalasearen azpitik diru sarrerak dituzte egun. Hala ere, botere ekonomiko eta politikoek pobrezia zabaltzen jarraitu nahi dute, aberastasuna gero eta esku gutxiagotan metatzen eta beraz, biztanleriaren gehiengoa are gehiago txirotzen, langile eta herritarron erosahalmena erasotuz. Hori gutxi balitz, orain, eztabaida zergak jaistean zentratu nahi dute batzuk. Zergarik ezean, nola pentsatzen dute ordaintzea zerbitzu publikoak? Sistema publikoa eraisten ari dira, eta are gehiago murriztea da euren asmoa.

Egoera honi buelta emateko mobilizatu behar dugu. Soldaten, pentsioen eta gizarte prestazioen erosahalmena defendatu nahi dugu. Bizitza duina bermatzeko, aberastasuna banatu behar da. Langileon bizitza eta planeta erdigunean jartzeko, garapen paradigma berria behar dugu, bidezko trantsizio ekologikoa aldarrikatzen dugu.

Biztanleriaren zati gero eta handiago bat energia pobrezian murgilduta dagoen honetan, bada garaia egiturazko neurriak hartzeko, enpresa energetikoak kontrolatzeko. Bada garaia erreforma fiskal progresibo bat onartzeko, krisia kapitalak ordain dezan, eta ez gehiengo sozialak. Bada garaia zerbitzu publikoak garatzeko, oinarritzko eskubide sozialak bermatzeko, hala nola osasuna, hezkuntza, zaintzak edo etxebizitza. Euskal Herrian lan egin eta erabakitzeko tresnak garatzeko ordua da.

Hori dela eta, Euskal Herriko Eskubide Sozialen Kartak mobilizazio dinamika bat martxan jartzea erabaki du. Manifestazioak deitu ditugu maiatzaren 26an, arratsaldeko 19:00etan Iruñean, Bilbon, Donostian y Gasteizen, honako aldarrikapen hauen defentsan:

Langileon erosahalmenari eusteko

- Soldatak eta pentsioak defendatu, gutxienez KPI errearen igoera.
- Produktu energetiko guztien prezioak kontrolatu eta mugatu.

Energiarako eskubidea bermatzeko

- Energiarako eskubidea bermatzeko, energia sektorearen publikazioa, kontrol publiko eta soziala.
- Elektrizitatearen prezioa ezartzeko sistema marginalista aldatu.
- Konpainia elektrikoek jasotzen dituzten ezkutuko bidesariak kendu.
- Trantsizio energetikoa demokratikoki planifikatzeko bideorria.

Zerbitzu publikoen defentsan

- Zerbitzu publikoen eraispena gelditu eta hauek garatu:
- Kalitatezko Zaintza Sistema Publiko Unibertsalaren eta Doako Sistemaren bidez, pertsona guztiek bizitza osoan beren zaintza-beharrek beteta izan ahal izateko.
- Osasun zerbitzu publikoek herritarren beharrei erantzun egokia eta kalitatezkoa emango dietela bermatzea.
- Hezkuntza sistema publikoaren defentsa, hezkuntzara bideratutako aurrekontua Europako batez bestekoarekin parekatuz, besteak beste.
- Unibertsitate publikoko tasen jaitsiera.

Babes sistema hedatu eta sakondu:

- Kalitatezko etxebizitzarako sarbide unibertsala: eskubide subjektibo erreala bermatu, alokairuaren prezioa mugatu, parke publikoa handitu, etxegabetzeak gelditu eta okupazioa despenalizatu.
- Pentsio sistema publikoa indartu
- Bermatutako oinarritzko errentan Kartatik egindako HEL-a kontuan hartu.

Aberastasunaren banaketaren alde

- Zerga erreforma egin. Enpresen mozkinengatik, aberastasunarengatik eta errenta altuengatik ordaindu beharreko zergak nabarmen handitu.
- Zorrari dagokionez, herritarren zorraren auditoria egin behar da.

Burujabetzaren bidean

- Burujabetzan aurrera egin. Sektore estrategikoak, babes sistema eta lan merkatua arautzeko eskumenak behar ditugu. Ezinbestekoa izango da elikadura burujabetza, burujabetza energetikoa etab. sustatzea.

2022ko maiatzaren 4an